



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Copensteinivus Conceptuum Prædicabilium In Dominicas Festaqve omnia per Annum

Coppenstein, Johann Andreas

Mogvntiæ, 1624

Elenchus Materialium Quadragesimalium.

[urn:nbn:de:hbz:466:1-51556](https://nbn-resolving.org/urn:nbn:de:hbz:466:1-51556)



NVCLEVS COPPEN-
STEINIUS E CONCEPTI-
BVS BESSEANIS,

In Férias Quadragesimales:

A V T O R E

R. P. F. IOAN. ANDREA COPPENSTEINIO
Mandalen, Ordin. Prædicatorum Theologo.

ELENCHVS
MATERIARVM QVADRA-
gesimalium.

LECTOR AMICE.

HANC ideo collegi, ac præmitto:
quo materiarum tibi sit & cer-
tior cognitio: & facilius inuen-
tio: & paratior ad Dominicas
seu Fests hinc translatio, ac v-
sus. Quos additos hic Xipheros cernis, ij Partes
Feriæ cuiusque indicant.

VALE ac VTERE.

Die cinerum 1. Effectus Pœnitentiæ: 2. ac ci-
nerum: (3. quæ hominem fragilitatis ad-
monent ac mortis: 4. quo deuotius car-
nem spiritui subiicere per ieiunium alla-
boret) sunt mirifici.

Feria V. *Accessit ad eum Centurio*, Matt. 8.
Iustificatio impij operum Dei est maxi-
mum alias: at in militari pectore hoc ad-
mirabilius. 2. Est Anima miles quidam ac

Chiliarcha habens subditos. 3. cuius ægra
tamen concupiscentia iacet; herumque
molestat ac infestat.

Feria VI. *Diligite inimicos*, Matt. 5. Odiũ
osori pessimum, appetensque vindictæ
est. 2. Vel ipsos tamen diligere inimicos
Christiano necesse est. 3. Quo detestabi-
lius peccatum est odium proximi: pro-
priorum excludens peccatorum remis-
sionem. 4. Hoc pluris amnistia est: quod
etiã in vendicantes vindicet Deus: igno-
scentes vero euehat. 5. Damnet Duellan-
tes.

Sabbato. *Erat nauis in medio mari* Marc.
6. Fluctuat, non mergitur Ecclesia. 2. quã-
tumuis naufragum sit mare mundi. 3. illa
perdurat tamen: 4. Ventosi autem tyran-
ni atque hæretici dispereunt.

Feria II. post Dom. 1. *Quadr. Cum venerit*
filius hominis in maiestate sua, Matt. 25. 1. Tri-
duum est homini: 2. dein iudicium, ma-
nusque Dei horrida. 3. Illud Generale
accidet horrendum ob euenta, peccata

Ccccc 2 reue-

reuelata, Deumque iratum: 4. ac iudicem visu, voceque formidandum.

Feria III. *ieicit pendentes & ementes.* Mat. 21. 1. Ambitio & auaritia viam præstant ad omne nefas, adque ruinam. 2. Stante interim Ecclesia hoc firmiter ac sanctius: 3. dum nundinatores templarij ab Deo flagellantur.

Feria IV. *Generatio adultera signum quaerit.* Matth. 2. 1. Signa edere Dei est. 2. In primis istud conuersio peccatoris, quæ huic petenda est. Par signum est Prouidentia Dei. 3. Orthodoxis non sunt opus signa, etsi non desint. 4. At Nouantes edant necesse est: sed nequeunt nisi hæreses, & voluptates propagare.

Feria V. *Transfiguratus est.* Luc. 9. Pro incomprehensibili beatitudine quæque perfer, & perdura. 2. Eius imago fuit Christi transfiguratio: 3. miranda. 4. cum qua esse & hic, & in cælis bonum est.

Feria VI. *Probatia piscina.* Ioan. 5. Dei misericordia extollitur: 2. sed & pœnitentiæ effectus miri ac varij, quales miri, varique fontes memorantur. 3. Ea, vt hysopo, aspersum 4. humanum genus ægrum sanatur, sed per Iesum.

Sabbato. *Et transfiguratus est.* Matth. 17. Gloriæ cœlestis nuncij certi, sed pugnantibus ea datur. 2. Quintuplex Christi transfiguratio fuit. 3. Thaborina vero glorificati. 4. In qua miri sermones de Incar. Passione, & Paupertate.

Feria II. post Dom. II. Quadr. *In peccatis vestris moriemini.* Ioan. 8. Prædestinatio varie præfigurata fuit. 2. Anima autem reproba nihil infelicius. 3. Vocantem proin Deum sequi oportet, & cito. 3. neu peccatis immori contingat.

Feria III. *Super Cathedram Moysis, &c.* Matth. 23. Credendum, & parendum Ecclesiæ: 2. vt infallibili, perpetuæ, & sanctæ. 3. Magnique faciendi prædicatores boni: mali arguendi. 3. Sacri autem Præfules

officium gerunt tam periculosum, quam magnum.

Feria IV. *Mater Filiorum Zebedei.* Vide in F. S. Iacobi.

Feria V. *De Epulone.* Vide Dominic. 1. post Trin.

Feria VI. *Homoplantauit vineam,* Mat. 11. Christianus est planta, sicque frugifera: sin' eiicietur. 2. Vineæ autem animæ, & Ecclesiæ ab omnibus sic instructa partibus necesse est.

Sabbato. *De filio prodigo.* Luc. 15. Prodigalitas ac Voluptas mala sunt capitalia. 3. Filij autem prodigii ac perditij sunt parentum dolor ac pudor. 3. Effectus multi prodigalitatis. 4. Peccatores quoque procul à Deo sunt.

Feria II. post Dom. III. Quadr. *Fax & hic in patriatua.* Luc. 4. Iudicia Dei verenda, non quærenda anxie, aut curiose, 2. Miraculis fides necessaria est: quæ cur non in patria Iesus? 3. In Ecclesia tamen multa ex dono gratuito. 4. Itemque ex gratia gratum faciente: quæ cuique parata vbique est.

Feria III. *Si peccauit in te frater tuus.* Mat. 18. Fraternalis reprehensio, 2. itemque Correctio necessaria: at cum grano salis præstanda, idque ex præcepto. 3. Excommunicatio etiã tam sæpe necessaria, quam iusta: sed debito cum modo facta.

Feria IV. *Populus hic labijs me honorat.* Matth. 18. Cor debetur, gratumque Deo est, 2. vt Cogitationes malæ premantur; ne parua initio mala non parua ferant. 3. cor & os consonent ad cauendam hypocrisin. 4. Nec Traditiones negligantur.

Feria V. *Socrus Simeonis tenebatur febribus.* Luc. 4. Afflictiones peritiles sunt omnibus: 2. at Cœlibatus Ecclesiasticis necessarius. 3. Quo rectius naturæ febrientis paroxysmis variis succurratur per medicum IESVM. 4. Sunt autem vitio-

vitiorem febres diuersæ iuxta & periculosa.

Feria VI. *De Samaritana.* Ioan. 4. Præuenientis gratiæ par necessitas & præstantia est, Iesu tamen se simul pro nobis fatigante, ac patiente, dum nos quærit. 3. terrendo, inuitando: quem sequi facilius est, quam satanam. Ergo parendum vocanti. 4. nil friuole caufandum, quod a quæ Dei mutant mentes.

Sabbato. *Mulier in adulterio deprehensa,* Ioann. 8. Adulterij grauitas, 2. ac poenæ. 3. Istam tamen absoluendi causæ sunt Domino.

Feria II. post Dom. IV. Quadr. *Inuenit in templo vendentes.* Ioann. 2. In Deum iracundia cadit. 2. Vult idem templis coli, 3. quorum usus & antiquissimus est, & Catholicus. 4. Proinde eorum profanatores, Schismatici ac hæretici, puniendi: Sacerdotes vero boni templorum sunt ornamenta.

Feria III. *Quomodo hic literas scit?* Inuidia comes gloriæ est, & multorum turbatrix. 2. Lex Christiana rite lata & accepta. 3. præstat legibus vniuersis. 4. Nam promanauit ex scientia Christi infinita.

Feria IV. *Vidit hominem cæcum à Natiuitate.* Ioann. 9. Excæcationis malum à Deo deprecandum est. 2. Hanc multam intulit peccatum orig. quod vniuersale fuit, non personale: nec tamen Christum & Mariam attigit. 3. aduersa causat: Cereemoniæ probatæ, mortisque meditatio, sui agnitio, Christoque merita reluminant.

Feria V. *Defunctus efferebatur filius vnicus.* Luc. 7. Sepulturæ honos est debitus, & laudabilis. 2. Peccati plura, quam mortis, sunt mala. 3. Id præproperat mortem, nusquam tolerabile: Deus tamen præmonet mortis, vt caueatur æterna.

Feria VI. *Erat Languens Lazarus,* Ioann. 11. Vita breuis homini, & natura nouerca est. 2. Fides Sotorum paucis orat, & exorat: Deus tamen iustos, quantum uis orent, tribulari sinit. 3. Attamen peccato illacrymans Iesus etiam vel mortuos denique suscitatur. 4. Iustificatione impij, consuefacti ad peccata, nil difficilius est.

Sabbato. *Ego sum lux mundi.* Ioan. 8. Encomium solis: 2. eius cum Deo comparatio. Sed lux Christi, id est, gratia effectus varios operatur in anima.

Feria III. Post Dom. Passionis. *Erat in proximo dies festus. Transi hinc, &c.* Ioann. 7. Gloria danda, Deo; fugiendaque vana.

2. Qui quatenus fratres Iesu. Mundus vrbesque sæpe nocent. 3. Mundi Suedam igitur caue: imitator humilitatis Christi.

Feria IV. *Oues mea vocem meam audiunt.*

Ioann. 10. Verbi Dei vis efficax ad conuersiones. 2. præsertim in Pastore Iesu. 3. Multis tamen id audientibus cedit in iudicium. Multis quoque signum dare aliquod prædestinationis potest. 4. Effecta habet complura.

Feria V. *De Magdalena.* Vide in Festo eiusdem.

Feria VI. *Collegerunt concilium aduersus Iesum.* Ioann. 11. Pauorum fugienda societas. 2. Conciliatur ad bona retardanda. 3. Discussio Concilij super Iesum, reprobatur. 4. probatur.

Sabbato. *Nunc anima mea turbata est.* Ioann. 12. Pugna carnis ac Spiritus ingenerata est: in Christo tamen absque passione peccabili, aut irrationali: assumpta tamen ab eo passionibus dissimiles erant nostrarum.

Feria II. III. IV. post Dom. Palmarum. *De Eucharistia.* Quæ alibi in Opusculo reperies. Denique Passio Domini Nostri Iesu Christi.